



PORTOS
DE
GALICIA

novotec

RISCOS XERAIS EN INSTALACIÓNS PORTUARIAS





O presente documento de información preventiva está destinado a aquelas empresas que realizan a súa actividade nas zonas propias de PORTOS DE GALICIA coa finalidade de cumprir coas obrigacións que lle esixe a Lei 31/1995 de Prevención de Riscos Laborais, modificada pola Lei 54/2003 do 12 de decembro, e o Real Decreto 171/2004, do 30 de xaneiro polo que se desenvolve o artigo 24 da Lei 31/1995, en materia de coordinación de actividades empresariais.

As empresas concorrentes nun mesmo centro de traballo, terán a obrigaón de informarse reciprocamente sobre os riscos específicos das actividades que desenvolven no devandito centro, e que poidan afectar os traballadores das outras empresas concorrentes.

Neste documento descríbense os riscos xerais aos que están sometidas as persoas que desenvolven o seu traballo na zona de servizo do porto, medidas de carácter preventivo e de emerxencia que deberán levar a cabo.

A información que porta este documento debe ser trasladada a todos os traballadores da empresa e ás empresas contratadas ou subcontratadas, cando estes realicen traballos na zona de servizo dos portos competentes de PORTOS DE GALICIA.

RISCOS E MEDIDAS PREVENTIVAS NAS INSTALACIÓNS PORTUARIAS

A presente relación xeral de riscos contempla con carácter xeral aquelas situacións homoxéneas e comúns a calquera recinto portuario e as súas instalacións comúns.

Deberase cumprir e respectar toda sinalización disposta no recinto portuario.

Seguiranse os itinerarios e/ou viarios marcados nos portos.

Accederase exclusivamente ás zonas portuarias para as que se foi autorizado.

Respectaranse os límites de velocidade nas zonas pertinentes.



CAÍDAS A DISTINTO NIVEL

Caídas nos diferentes niveis existentes nas infraestruturas do porto (peiraos, diques, espigóns, pantaláns, escaleiras, escalas, ...).

Comprende as caídas ao mar e en altura.

CAÍDAS AO MAR

- Recoméndase a utilización de calzado de seguridade.
- Evitárase a presenza de obstáculos no chan.
- Deberase circular con precaución nas zonas próximas ao mar/peiraos, manter unha distancia de seguridade ao cantil, especialmente nos días con condicións meteorolóxicas adversas (polo menos 3 metros).
- Deberase extremar a precaución en caso de achegarse ás zonas de cantil carentes de protección, xa que existe risco de caída ao mar.
- Prohibírase aparcar a menos de 2 metros do cantil do peirao.
- En caso de realizar traballos nas inmediacións do cantil, recoméndase utilizar chaleco salvavidas.

CAÍDAS POR EMPREGO DE ESCALAS E ESCALEIRAS FIXAS E/OU MANUAIS E ESTRUTURAS (ESPALDÓNS, PEIRAOIS)

- O seu uso realizarase de forma tranquila, evitando présas.
- Prohíbese correr ou empuxar a outras persoas durante o uso das mesmas.
- Uso obrigatorio de varandas ou pasamáns.
- Recoméndase o uso de calzado de seguridade.
- Durante o tránsito, as mans permanecerán libres, debendo utilizarse bolsas, mochilas, cintos etc. en caso de necesitar portar calquera ferramenta ou materiais.
- Deberase revisar a escaleira/escala antes de comezar o traballo. Non se utilizará escaleiras en mal estado.
- Deberase posicionar a escaleira de forma estable e segura.
- Nos traballos a partir de 2 metros de altura, en ausencia de protección colectiva, será obrigatoria a utilización de protección individual (equipo anticaídas ancorado a un punto de ancoraxe certificada).
- No caso de traballos en escaleiras manuais, os traballos realizados a máis de 3,5 metros de altura, desde o punto de operación ao chan, requirirán a utilización de equipo anticaídas ancorado a puntos de ancoraxe certificados.



CAÍDAS AO MESMO NIVEL

Esvaróns ou tropezos en zonas de paso, superficies de traballo, etc...transitar por lugares con provisión de materiais, transitar por zonas húmidas que poidan provocar esvaróns.

DEFICIENCIAS NO CHAN (ZONAS DE DESCARGA DE XEO, MANCHAS DE ACEITES, Etc...)

- Recoméndase o uso de calzado de seguridade antiescorregadiza.
- Manteranse as zonas de circulación libres de obstáculos e a orde e a limpeza en toda a zona portuaria.
- Deberase manter orde e limpeza nas instalacións.
- Preste atención aos desniveis e irregularidades do chan, extremando a precaución nos desprazamentos por chans ou superficies molladas.
- Elimine con rapidez os derrames, verteduras, manchas de graxa e aceite e demais residuos e desperdicios.



CAÍDAS DE OBXECTO POR ESBORRALLE OU DERRUBAMENTO

Esborralle e derrubamentos tanto totais ou parciais de muros, edificios, andamios, escaleiras, materiais amontoados, etc.

- Manter distancia de seguridade en proximidade de guindastres, así como naquelas zonas onde se realicen traballos de carga e descarga.
- Prohíbese permanecer en lugares en proximidade de cargas elevadas.



GOLPES CONTRA OBXECTOS INMÓBILES

Golpes contra algún obxecto inmóbil situado na traxectoria da persoa ou vehículo. Rotura de estachas ou cabos.

- Deberase circular con precaución polas zonas de paso.
- Deberá dispoñerse de iluminación complementaria para a circulación en horas de pouca luz solar en zonas pouco iluminadas.



CONTACTOS ELÉCTRICOS

Debido a manipulación de instalacións eléctricas de forma inadecuada ou sen autorización, realización de traballos en proximidades de instalacións ou liñas eléctricas. Non respectar os sinais de risco eléctrico.


- Todo problema ou anomalía detectada na instalación eléctrica será notificado para a súa reparación o máis axiña posible.
- Respectarase as sinalizacións de advertencia de risco eléctrico.
- Non se sobrecargarán as instalacións eléctricas.
- Todo traballador que manipule unha instalación eléctrica deberá ter formación específica e ser autorizado para iso.



CORTES POR OBXECTOS

Cortes por presenza de varandas deterioradas ou elementos cortantes presentes.

- Deberase ter precaución nas zonas con elementos cortantes.
- Utilizar luvas de seguridade con protección mecánica para traballos en proximidade de elementos cortantes.



ATROPELOS, GOLPES E CHOQUES CONTRA VEHÍCULOS

Incidentes con maquinaria móbil ou vehículos, atropelos nas zonas e vías de circulación interior do porto ou viais urbanos lindeiros orixinados por: non cumprir as normas de seguridade viaria, transitar por peiraos e obras sen prestar atención ao paso dos vehículos.

- Deberase permanecer atento á circulación de equipos de traballo.
- Deberanse respectar as normas xerais de circulación.
- Só se poderá estacionar nas zonas habilitadas para iso.
- Deberase utilizar roupa de alta visibilidade durante desprazamentos en viais e traballos en proximidade aos mesmos.
- Deberase utilizar as zonas de paso definidas para paso peonil durante os desprazamentos a pé.



INCENDIOS/EXPLOSIÓNS

Provocados por facer lumes na zona, fumar xunto a materiais inflamables ou en zonas non autorizadas, manipulación indebida de instalacións eléctricas, etc...

MATERIAS COMBUSTIBLES

- Prohíbese fumar nas inmediacións de almacenamento de produtos combustibles ou inflamables nin realizar tarefas que xeren focos de ignición.
- Non obstaculizará os medios de extinción presentes no recinto.
- Seguir as indicacións do persoal da Autoridade Portuaria en caso de emerxencia.
- Faranse uso dos medios de extinción presentes nas zonas de traballo.

DEPÓSITOS DE PRODUTOS COMBUSTIBLES EXISTENTES NO RECINTO

- Prohíbese fumar nas inmediacións de almacenamento de produtos combustibles ou inflamables nin realizará tarefas que xeren focos de ignición.
- Non acceder ás zonas de carga/descarga de combustible se non se está autorizado para iso.
- Seguir as indicacións do persoal da Autoridade Portuaria en caso de emerxencia.
- Deberase facer uso dos medios de extinción presentes nas zonas de traballo.



PROXECCIÓN DE FRAGMENTOS OU PARTÍCULAS

Ao transitar por zonas con posibilidade de proxeccións, po ou partículas sen a protección adecuada.

- Manter en todo momento a orde e a limpeza nos locais onde se realice calquera tipo de tarefa.
- En días de vento e nas zonas nas que se está descargando mercadoría a granel ou en zonas pulverulentas, usarase lentes de seguridade que protexan os ollos.



ATRAPAMENTO

Transitar por zonas de movementos de mercadorías, recinto con obras, zonas de manipulación de maquinaria ou equipos sen a debida protección ou autorización.

ATRAPAMENTO POR O ENTRE OBXECTOS

Os órganos de transmisión deben estar protexidos mediante resgardos resistentes, preferentemente fixos e envolventes.

- Os elementos móbiles das máquinas con risco de atrapamento protexeranse segundo o caso, con resgardos fixos ou regulables, con enclavamiento ou con dispositivos de protección.
- As máquinas deberán contar con dispositivos de paro de emerxencia facilmente visibles e accesibles.
- Realizar as operacións de mantemento e limpeza das máquinas indicadas nas instrucións.
- Os operadores das máquinas estarán debidamente instruídos no manexo e nos riscos que supón a súa utilización.
- Prohíbese permanecer no radio de influencia de máquinas ou equipos de traballo.
- Prohíbese a manipulación de calquera elemento dunha máquina ata que non sexa desconectada da fonte de enerxía e situada se é necesario.

ATRAPAMENTO POR ENVORCO DE MÁQUINAS OU VEHÍCULOS

- Evitar a circulación por pendentes perigosas.
- As máquinas autopropulsadas deberán dispoñer de cabina ou pórtico de protección contra o envorco.
- A velocidade do vehículo adecuarase ás características da vía.
- Respetar os límites de carga e asegurar a súa estabilidade.

MEDIDAS DE EMERXENCIA NAS INSTALACIÓNS PORTUARIAS:

Enténdese por emerxencia calquera suceso, tal como unha fuga ou vertedura, incendio ou explosión, que sexa consecuencia dun desenvolvemento non controlado da actividade e que supoña unha situación de grave risco, inmediato ou diferido, para as persoas, os bens e o medio ambiente.

NOTIFICACIÓN:

Todo o persoal da Comunidade Portuaria pode detectar unha situación de emerxencia, sendo o procedemento de actuación:

1. Alertar aos compañeiros próximos a través de viva voz e no seu caso a un Policía Portuario e/ou Forzas de Seguridade.
2. Avisar inmediatamente aos medios necesarios.

A información para transmitir nos avisos debe comprender

QUÉN INFORMA?
QUÉ OCORRE?
ÓNDE OCORRE?

3. Actuar cos medios dispoñibles, sen asumir riscos innecesarios.

DIRECTORIO DE EMERXENCIAS:

Bombeiros: 080

Policía Local: 092

Policía: 091

Ambulancias: 061

Información toxicolóxica: 915 62 04 20

Garda Civil: 062

Protección Civil: 112

ÚNICO DE EMERXENCIAS 112